

CONSTITUCIÓN EUROPEA? ASÍ NON!

A cidadanía do Estado español está convocada a participar nun referéndum sobre a proposta de Constitución europea. A Asociación para a Defensa Ecológica de Galiza (ADEGA), aínda achando necesaria unha Constitución para a UE, non comparte nem o método de elaboración nem o contido final da proposta redactada pola Convención. A continuación recollemos o posicionamento de ADEGA ao respecto.

Dezaoito anos despois da adhesión do Estado español á daquela Comunidade Económica Europea —hoxe Unión Europea— podemos facer un balanzo das políticas desta e as súas consecuencias. En parte, é positivo, podendo destacar os importantes avances na legislación de protección ambiental (impacto ambiental, Rede Natura 2000, Directiva Marco da Auga...). Mais tamén ten unha parte negativa, como o reparto de fondos sen ter en conta os principios do desenvolvimeto sustentábel.

No proceso de construcción europea ábrese agora un novo período no que se pretende dotar á UE dunha Constitución. ADEGA comparte a vontade europeista, mais a construcción europea pode discorrer por diferentes camiños, coas súas múltiplas implicacións, e nós non podemos concordar coa vía eleita polos gobernos dos Estados da Unión.

A proposta de Constitución foi redactada pola Convención europea dun modo pouco transparente e de costas á cidadanía. As principais organizacións ecoloxistas europeas, as Green 8 —hoxe Green 9, entre as que se atopa a Oficina Europea do Ambiente, federación ecoloxista na que está integrada ADEGA— apresentaron en Agosto de 2003 o documento *Cara unha Constitución Verde da Unión Europea* —que se pode ler en galego na páxina web www.adegagaliza.org, nel recollíanse propostas para que as políticas sectoriais da UE non se contradicisen cos obxectivos de sustentabilidade e mellora do ambiente, para reforzar tanto a democracia participativa como a parlamentar, de apoio ao Protocolo Sobre Desenvolvimeto Sustentábel surxido da iniciativa da ex-Comisaria de Medio Ambiente Margot Wallström e para a súa mellorá, así como pola abolición do tratado Euratom, "suxestións simples, realistas e concretas"… nengunha foi aceitada.

O 20 de Fevereiro de 2005 será submetido a referéndum un texto de dificul-

tosa reforma que condicionará a vida na Unión Europea —e non só— durante décadas, un documento que recolle tímidos avances no que fai respeito á transparencia e á cualidade democrática, unha proposta de Constitución europea que, aínda que recolle bonitas alusións á sus-

As propostas ecoloxistas para políticas sectoriais da UE de sustentabilidade e mellora do ambiente, para reforzar a democracia participativa e a parlamentar, de apoio ao Protocolo sobre Desenvolvimeto Sustentábel, pola abolición do tratado Euratom... eran suxestións simples, realistas e concretas para unha Constitución más Verde, consensuadas polas 8 grandes organizacións ecoloxistas europeas, mais nengunha foi aceitada

tentabilidade e á paz, acaba por ser realmente unha aposta por seguir a construir unha Europa fortaleza, do neoliberalismo e a guerra. A proposta non recolle o direito á seguraza alimentar, mais si a obligatoriedade dun progresivo incremento dos gastos militares; realiza unha firme defensa do mercado libre, ao tempo que conta cun contido social mui fraco; inclúe á OTAN no seu articulado; non conta cun Protocolo Sobre Desenvolvimeto Sustentábel —proposto pola ex-Comisaria de Medio Ambiente Margot Wallström— nem deroga o Tratado Euratom...

ASÍ
NON!



Frente a esta proposta construída de costas á cidadanía, baseada no mercado libre, o produtivismo e o militarismo, ADEGA aposta pola abertura dun verdadeiro proceso constituínte (con)federal europeu, aberto e participativo, que procure a construcción dunha outra Europa ben diferente á que temos e diferente a esa cara a que se nos quer levar: unha Europa desmilitarizada e solidaria, da cidadanía e os povos, da democracia participativa, a sustentabilidade ecoloxica e a xustiza social, da convivencia en paz.

Por este motivo, a Asociación para a Defensa Ecológica de Galiza (ADEGA), perante o referéndum do vindeiro 20 de Fevereiro de 2005, defenderá o NO como resposta á pregunta de se estamos ou non a favor do tratado polo cal se institue unha Constitución Europea.

Lápices 4®

**IMPRESIÓN DIXITAL - GRAN FORMATO.
ENCADERNACIÓN - ESCANEADO - PLANOS**

**avda. da coruña 4,B. tel. e fax 981 580 429
santiago de compostela**